

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیله اعاده اولنماز .

تذکره

۱۳۳۹

ادرس تبدیلنده آریجه
۵ غروش کوندورملیدر .

مکتوبلرک امضالری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندورلدیکی زمان نهیه
داثر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

افغانستان

(قاهره) ده منتشر (الاخبار) رفیق مزك كابل مخبر مخصوصی افغانستان اهالیسی واحوالی حقیقه یازدینی بر مقاله ده معلومات آتی بی ویریور: افغانستان، مزاج و تمایلات، لسان و عادات اعتباریله بر بردن فرق اولان اهالی بی جامع در. افغانستانك مساحه سی فرانسه نك مساحه سنه قریب اولدینی حالده سکنه سنك مجموعی اون میایوندن فضله اولمسه كرك. مع مافیه شیمدی به قدر رسمی و یانیم رسمی بر ایستاتستیک یاییامادیغندن افغانستانك نفوسی تعیین ایتمك طوغرو دکلدر. بو خصوصده سوبله ن هر سوز تخمین واجتهاده مستندر. افغانستان اهالیسی عرق و دین اعتباریله اوج قسمة آیرمق ممکندر: مسلمانلر، هندولر، موسویلر.

لسان اعتباریله مسلمانلر اوج زمره یه آیریلرلر:

۱ - افغان لسانیه یا خود (بوشتو) ایله قونوشانلر.

۲ - فارسی ایله قونوشانلر.

۳ - چغتایچه قونوشانلر.

افغان لسانیه قونوشانلر نسب اعتباریله ایکی قسمة آیریلرلر:

۱ - درانیلر، ۲ - غلجائیلر.

برنجی قسم برچوق قبائلی احتوا ایدر: بارکزانی، فوفلزان، احکرزانی، الیکوزانی، علی زانی، نورزانی قبائلی کی. افغانستان خاندن حکمداری بی بارکزانی قبیله سنه منسوبدر.

ایکینجی قسم قبائل آتی بی محتویدر: سلیمان خیل، علی خیل، ترکی، ثوخی، هوتوکی، اوزی، ناصری، خروخی.

بوندن باشقه (هند - افغان) حدودنده یاشایان قبائل ده وارددر: بونلر وزیر، آفریدی، مسعودی، مهمند، جدرانی قبائلیدر.

بو قبائلک باشلیجه صفت کاشفیه سی معین یرلرده غزوه لر یامق، یغمالرده بولونمقددر. برچوق دفعه لر پک اهمیت سز سبیلردن طولای بو قبائل آره سنده مخاصمات تحدر ایدر و بناء علیه یکدیگریله محاربه ایدرلر. بز بو کی مخاصمات و منازعاتی تقییح و بونلرک وخیم نتیجه لر بی تقدیر ایتدیگمز حالده افغانلیلر بوندن ممنون اولورلر. حق بونلری تشویق ایدرلر. بومنونیت و تشویق سبی بو کی مجادلانك افغان قبائلنك شجاعت موروثیه سی محافظه ایتمه سیدر.

قبائل زراعت، تجارت، یغما و غارت ایله تأمین معیشت ایلر.

شهرلیلر، بالخاصه مأمورین حکومت قواعد اقتصاده ذره قدر رعایت ایتزلر. افغان مأمورلریله مصرلی مأمورین اسراف خصوصنده متحددرلر.

بوکارغما پک آزاولقله برابر پک بویوک ثروتلری اولان بعض ذوات وارددر.

فارسی ایله قونوشانلر مذهب نقطه نظرندن ایکی قسمة آیریلرلر:

سنیلر، شیعیلر.

شیعیلر افغانستانده دوت زمره یه منقسمدرلر: هرازه، جندول، مراد خانی، افشار. (هرازه) زمره سی شیعیلرک اک بویوک کتله سی

تشکیل و طاعلرده اقامت ایدر. امیر عبدالرحمن بونلری حکومته منقاد ایتمک ایچون پک بویوک زحمتلره دوچار اولمشدر. (افشار) زمره سی (نادر) خانك افغانستانی فتح ایتدیکی زمان اونکله برلکده کلشدر. (هرازه) کتله سندن باشقه شیعیلرک مقری (کابل) در.

شیعیلر عمومیت اعتباریله سنیلر درجه سنده صاحب ثروت دکلمر سه ده سنیلره نظراً مقتصددرلر. مع مافیه بونلر ده هندولر درجه سنده صنایع ایله اشتغال ایتزلر. شیعیلرک سنیلر علیهنده بر قاج اختلال یابدقلری افغانستان تاریخی قید ایتمکدر. دره فقط امیر امان الله خان حضر تلرینک هم آتی سایه سنده سنیلره شیعیلر آره سنده جایگیر اولان بونون منافرتلر زائل اولمشدر. شیعیلرک غرائب عاداتندن بری امام حسینک شهید اولدینی کون ماملر یایوب یوزلری و ورملری. البسه لر بی پارچه لاملری، فریاد و فغان ایتلریدر.

چغتایچه ایله قونوشانلر سی تورکلر در. بونلرک ساکن اولدقلری ولایته (ترکستان افغانی) نامی اطلاق اولونور. (ترکستان افغانی) نك اراضیسی فوق الهاده منبت اولقله اورانك اهالیسی زراعتله اشتغال ایدرلر. بو ترکستان نیلرک ده پک قنار طاقم عادتلی وارددر که ذوق سلیم ایله قابل تألیف دکلدر.

هندولره کلنجه بونلر کرك عددلری و کرك فعالیتلری اعتباریله

مهم بر عنصردر. کندیلرینه مخصوص معبدلرده آیینلری اجرا،

عسکرلکه سلوک و برچوق وظائف ملکیه بی اشتغال ایدرلر. همان همان

بونون مالی ایشلر بونلرک النده در. حقوق و وظائف اعتباریله مسلمانلر

آره سنده هیچ بر فرق کوزه نله مکده در. امان الله خان حضر تلرینک

دورنده هندولر حقیقه ملایم بر سیاست تعقیب اولوندیغندن بونلرچوق

ترقی ایتمشلدر. امان الله خان هندولرک مکتبلرینه و معابدینه تبرعانه

بولونمش، بایراملرینه اشتراک ایتش، حتی کچن سنه اینکلرک کسایمه مسفی

اسرایدرک هندولرک حبسیات دینه سنه حرمت ایلشدی. هندولر تجارتله

اشتغال ایتدکلرندن صاحب ثروتدرلر. (کابل) ده کندیلرینه مخصوص

بر قسمة اقامت ایدرلر و کندیلرندن باشقه سی اوراده اقامت ایتدیرمزلر.

بونلر صاری و یاقرمزی صاریقله کززلر و قوللریه بر بیه زیك طاقارلر.

بر دعوت و قوع بولمادینی حالده دین اسلام هندولر آره سنده

انتشار ایتمکده در. اساساً دعوت دینه بی امیر حاضر منع ایتدیگندن

و دعوت دینه ده بولوناجق اولانلره شدتلی بر جزا ویرلدیگندن دینی

بر دعوتده بولونمغه امکان یوقدر. کذلک بر زمره نك اعتقادات و عاداته

طعن و قدحده بولونمق ده ممنوعدر. طبعی بونک سبی داخلی مجادلات

و منازعاته خاتمه چکمکدر.

امیر حبیب الله خانك دورنده هندولردن دین اسلامی قبول ایدنلره

احسانلر و یریلر، کندیسيله چوچقلرینه معاشلر باغلانیردی. امیر

حاضر، اقتصاده رعایت ایچون، بو عادی قالدیرمشدر.

موسویلره کلنجه بونلر بر اقلیت قلیله تشکیل ایدرلر. عددلری

ایکی بیکی کچمز. مقر اقامتلری (هرات) شهریدر. زراعت و تجارتله

اشتغال ایدرلر. مملکتده هیچ بروجهله حائر اهمیت دکلدر. کابل ۲۵ نسان